

Fröher - Höhner

Alle Rechte bei de Höhner – www.hoehner.com

Fröher dö däte mir noch Schlager singe,
un de Babys, die dat dr Klapperstorch bringe.

Fröher do hatt mir noch wieße Zäng,
un Blömchetapete aan de Wäng,
fröher do jov et keine Knies,
fröher dat wor wie em Paradise.

Em Paradise jitt et kein Sorjefalte,
em Paradise do jitt et jar kein Nut,
keine Rechnung, schon jar keine unbezahlte,
em Paradise do jeit et dir jot!

Fröher do wor Koks jet för dä Ovve,
dä F.C. kölle stund do immer nur ganz bovve,
fröher do wor einfach alles toll,
do wore mir noch pünktlich jeden Friedaach voll,
fröher do jov et keine Knies,
fröher dat wor wie em Paradise.

Em Paradise jitt et kein Sorjefalte
em Paradise do jitt et jar kein Nut
keine Rechnung, schon jar keine unbezahlte,
em Paradise do jeit et dir jot!

Fröher do hatt mir noch all Karnickel,
jäje Fieber statt Pille Wadewickel
fröher da schleefen all in einem Bett,
die Säu, die wore fröher deck un fett.

Em Paradise jitt et kein Sorjefalte
em Paradise do jitt et jar kein Nut
keine Rechnung, schon jar keine unbezahlte,
em Paradise do jeit et dir jot
em Paradise do jeit et dir jot
em Paradise jo do jeit et dir jot!